



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 75. Archiducis Consilium de Hungaris adversus Turcas tuendis.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

publicam vestram peccarent, justiore certe Sæcul. XVI. A.C. 1525.  
 titulo punirentur. Modo cum ejusmodi as-  
 serant, & doceant, quæ in maximum Di-  
 tionum vestrarum, Rerumpublicarumque com-  
 modum vergunt, quo nomine & a vobis  
 præmium accipere debebant, mirum imò stu-  
 pendum, miserandumque, quod talia citra  
 rationem, modumque de eis supplicia suman-  
 tur. Egetis fortasse pecuniis in Reipublicæ  
 usus necessariis? en maximum vobis thesau-  
 rum ostendo. Sinite Monachos, & Mo-  
 nachas, si qui velint, licere abire, & victum  
 laborando quærere. Eos vero, quibus in  
 suis fornicibus delitescere lubet, frugaliter  
 alite, tum quicquid opum illis superest, in  
 necessarios pauperum, Reipublicæ, ususque ve-  
 stros vertite.

§. LXXV.

*Archiducis consilium de Hungaris ad-  
 versus Turcas tuendis.*

Jamjam Saxonæ Elector, atque Has-  
 siæ Landgravius cum suis Sectatori-  
 bus discessum a comitiis paraverant, & inter pro-  
 cum Ferdinandus Archidux eos detine-  
 re toto studio conaretur, tum quod so-  
 lutis comitiis Germaniam crebris dis-  
 fensionibus scindi pertimesceret, tum  
 quod spem conciperet, fore, ut & illi de  
 bello in Hungaria gerendo deliberarent,  
 ac cum ceteris Principibus sua quo-

*Luther. in  
 assert. art. 34  
 & inter pro-  
 pos. an 1517.  
 fol. 56.  
 Cochl. l. cit.  
 p. 150.*



Sæc. XVI.  
A.C. 1526.

que conferrent subsidia. Veram vix Ferdinandus hoc negotium proposuerat, cum illico Lutherani doctrinam, quam ex ore Magistri sui sæpius hauserant, in usum deducerent, juxta ejus dogmata pariter affirmantes, quod *preliari adversus Turcas, sit repugnare Deo per illos iniquitates nostras visitanti.* Afferrebant quoque, *non licere Christianis bellare, aut vim vi repellere, sed vim & injurias pati;* scripserant insuper, quod illi, qui in primis Ecclesiæ sæculis Christianam Religionem professi erant, sese ultro ab hostibus opprimi permiserint, cum tamen nullo ferme negotio sese tueri potuissent, eoquod potissimi ex Legionibus Romanis Christianorum Sacris initiati essent; dicebant alii, hanc agendi rationem a Tertulliano, aliisque Apologistis non modo nullatenus fuisse damnatam, sed etiam summopere commendatam; proin æternæ mentis consilio recta adversari eos, qui imposterum Turcarum progressibus sese opponere molirentur; nisi enim cælestis dispensatio Hungariam Turcarum potentiae subjecisset, Deus facile illam ab eorum incursionibus absque hominum auxilio liberare posset; si autem ex adverso infidelibus Regni hujus dominium concessit, in vanum tota Christianorum Respublica illam eis eripere conaretur.

Hoc



Hoc sermone omnes Principes Catho-  
 lici, cunctique comitorum Deputati,  
 qui hæresi nondum infecti erant, vehe-  
 menter offendebantur.

Sæc. XVI.  
 A.C. 1526.

§. LXXVI.

*Decretum Spirensium comitorum.*

In hoc rerum tumultu Archidux nihil  
 reliquum habebat, quam ut decretum  
 hunc in modum ederet. „ Cum ad  
 „ conservandam Religionem, pacem-  
 „ que reddendam omnino necessarium  
 „ sit, ut in Germania vel Nationale, vel  
 „ generale Concilium totius Christianæ  
 „ Reipublicæ celebretur, illudque sal-  
 „ tem intra annum inchoetur, ideo De-  
 „ putati ad Cæsarem ablegentur, qui  
 „ eundem rogarent, ut deplorando Im-  
 „ perii statu commotus quantocius in  
 „ Germaniam veniret, ac Concilium  
 „ celebrari urgeret; interim vero cui-  
 „ libet Principum ac Statuum circa  
 „ Wormatiense edictum ita agendum  
 „ esset, ut Deo simul, & Cæsari justam  
 „ aliquando possent reddere facti sui  
 „ rationem. „ Hac clausula factus est  
 aditus ad stabiliendam conscientiaæ li-  
 bertatem, quam Lutherani in hisce co-  
 mitiis sibi indulgeri contendebant, ac  
 postea in usum deducebant, perinde ac si  
 eam re ipsa obtinuissent.

§. LXXVII.